

人爲物靈 何不奉教
人有原罪 併有本罪
苟能痛悔 改過遷善
領受聖水 大赦前罪
靈魂光潔 心室清明

謹遵主教 無忽無怠
思救贖恩 熱心感法
以愛還愛 以死還死
旣勤解罪 兼領聖體
日看彌撒 頻聽講道

精修無玷 立功爲善
以思言行 合天主旨
求主爲父 在天爲歸
欽崇爲事 愛主愛人
日除其礙 日勉其進

朝夕功課 行十四矜
克七罪宗 守十誠命
生爲聖人 所獲平安
死同天神 永享真福
萬世常生 豈不大樂

若不奉教 忘天主恩
生是惡人 死墮地獄
道之大原 實出於天
讀了天學 明了經旨
得大根本 斯真學問

一非不聞 萬德全渾
人勉之哉 人勉之哉

四字經文 終

